

**Uorden da sepultura e santeri
dalla vischnaunca da Falera**

Uorden da sepultura e santeri dalla vischnaunca da Falera

I. Disposiziuns generalas

art. 1

Tenor la lescha davart ils fatgs da sanadad dil cantun Grischun e Basa l'ordinaziun cantunala davart ils fatgs da sepultura relai la vischnaunca da Falera quest uorden da sepultura e santeri.

Aschilunsch che quest uorden prescriba nuot auter, valan las determinaziuns dallas ordinaziuns federalas e cantunalas.

art. 2

La suprastanza communal resp. il cau dil departament responsabel survegla l'execuziun da questa lescha. Surviglonza ed execuziun

art. 3

La suprastanza communal ha cunzun ils suandonts duers: Duers

- a) ella relai las ordinaziuns per il diever e manteniment dil santeri
- b) ella survegla las fossas e las cruschs-fossa
- c) ella lubescha da rumir la fossa suenter ch'il temps da ruaus ei spiraus
- d) ella dat lubentschas excepziunalas per la sepultura da nundomiciliai
- e) ella numna e survegla il persunal necessari pil santeri.

II. Uorden da sepultura

art. 4

In defunct astga vegnir mess el vischi pér suenter ch'in miedi cun pratica en Svizra ha constatau la mort officialmein. Metter el vischi

Partenent metter el vischi baras contagiusas ein las prescripziuns federalas decisivas.

art. 5

Transport
da baras

Il transport da baras ei caussa dalla parentella. Las prescripziuns specialas da confederaziun e cantun restan resalvadas.

art. 6

Dretg da
sepultura

Il dretg da sepultura en santeri han independentamein dalla religiun:

- tuts domiciliai en vischnaunca
- tuts burgheis da Falera
- tuts quels ch'eiin morts sin territori dalla vischnaunca.

art. 7

Lubientscha da
sepultura

Persunas senza domicil a Falera ch'eiin buca mortas ni vegnidas anfladas mortas en vischnaunca astgan vegnir satradas a Falera mo cun ina lubientscha speciala dalla suprastanza communal.

art. 8

Metter en
bara

Las sepulturas e las cremaziuns astgan succeder sil pli baul 48 uras e duein haver liug sil pli tard 72 uras suenter la spartida dil defunct.

Cass specialas basegnan ina lubientscha excepziunala dil miedi districtual.

Per tut ils defuncts stat la caplutta da morts a disposiziun.

art. 9

Preparaziun
da sepultura

La canzlia communal ordeina la preparaziun dalla fossa e pren las disposiziuns necessarias en cass specialas.

art. 10

Prestaziun
dalla
vischnaunca

Tier la sepultura d'in domiciliau sco era tier ina cremaziun surpren la vischnaunca il tuchiez da bara sco era il cavar e curclar la fossa.

La taxa per persunas d'ordeifer vegn fixada dalla suprastanza communal.

Tier sepulturas ella fossa comunabla d'urnas, partiziun B, vegn la taxa medemamein fixada dalla suprastanza communal.

art. 11

Per annunziar la mort vegn tuccau 15 minutas cul zenn grond dalla baselgia parochiala. Il di da bara allas 7.30 uras vegn tuccau treis ga 9 minutas ils cuors cun tut ils zenns dalla baselgia da Sogn Rumetg.

Tuchiez da
bara

III. Uorden da santeri

art. 12

Il santeri entuorn la baselgia da sogn Rumetg ei en possess dalla pleiv da Falera. Alla vischnaunca politica vegn concediu il dretg permanent da siu diever. Il santeri survescha alla sepultura da tuts defuncts che han il dretg leutier tenor art. 6 e 7.

Possess dil
santeri

Visitaders dil santeri duein secuntener ruasseivlamein e conform alla dignitad dil liug. Animals astgan buca vegnir menai en santeri.

art. 13

La repartiziun dallas fossas en retscha sedrezza tenor il plan da santeri fatgs dalla suprastonza communal.

Repartiziun
dallas fossas

Ei vegn satrau tenor in plan da retscha successiva.

Las fossas ein repartidas en:

partiziun A
retschas-fossa per baras ni urnas

partiziun B
fossa comunabla per urnas.

art. 14

Per arver las fossas munta la grondezia:

Grondezia
dallas fossas

partiziun A
liung 220 cm, lad 100 cm, profund 150 cm, per urnas 80 cm profund

partiziun B
profund 80 cm.

art. 15

Satrar Mintga vischi e mintga urna ei da satrar en ina fossa separada.

Cun lubientscha dalla suprastonza communal sa sin giavisch dil defunct ni dils parents vegnir satrau urnas en ina fossa existenta ni pliras urnas ella medema fossa. Quella fossa astga denton buca esser pli che 10 onns veglia. Sco temps da ruaus vala il temps da ruaus dall'emprema satrada.

art. 16

Temps da ruaus Il temps da ruaus per tuttas fossas ei 20 onns.

art. 17

Exhumaziun Igl ei scumandau d'exhumar ina bara avon ch'il temps da ruaus da fossa ei spiraus. Per excepziuns ei il departement da giustizia, polizia e sanitad cumpetents.

art. 18

Dismetter las fossas Aschilunsch che la suprastonza communal ordeina da dismetter ina part dil santeri suenter il temps da ruaus da 20 onns sto ella annunziar quei publicamein silmeins 6 meins avon il termin da rumida ed era orientar ils vegnentsuenters.

art. 19

Rumir la fossa Succeda la rumida buca enteifer il termin fixau capeta ella per incarica dalla suprastonza communal cun adossar ils cuosts als parents.

Cruschs-fossa e ramas-fossa che vegnan buca allontanadas crodan senza indemnizaziun en possess dalla vischnaunca politica.

art. 20

Qualitad dils vischals e dallas urnas Per satrar eis ei da far diever da vischals d'ina sort lenn stgein (lom) e d'urnas che sedissolvan.

art. 21

Scadina fossa en la partiziun A duei vegnir signada cun ina crusch da fier battiu. Monuments da crap vegnan buca lubi.

Cruschs-fossa

art. 22

La crusch sco era la rama-fossa astgan vegnir tschentadas pér in onn suenten la satrada, denton sil pli tard suenten 15 meins. Il terren astga ni esser bletschs ni schelaus. La tiara che vonza sto vegnir deponida sil plaz destinau en santeri.

Cruschs-fossa
fuormas e
materials

Scadin crap per la crusch-fossa sto esser formaus artisticamein cun gust en tuts graus e s'accordar harmonicamein cugl entir santeri. Fossas cunfinontas duessan s'accordar.

Sco material astga vegnir durvrau mo crap natural. Craps vegls che vegnan allontanai astgan puspei vegnir durvai.

Crappa pulida sco era inscripziuns sil crap ein buca lubidas.

Ils cuosts ein da surprender dils vegnentsuenten.

art. 23

Las fossas duein vegnir mantenidas en uorden. La parentella numna la persuna ch'ei responsabla per il manteniment dalla fossa. Ei il manteniment munglus, fixescha la suprastonza in termin enteifer il qual la fossa sto vegnir messa en uorden. Ei quel spiraus senza ch'ei seigi vegniu interpriu enzatgei, lai la suprastonza metter en uorden la fossa sin donn e cuost dalla parentella.

Manteniment

art. 24

La parantella ei responsabla per tuts donns che vegnan caschunai tras manteniment insufficient.

Responsa-
bilidad

La vischnaunca ei buca responsabla per donns che vegnan caschunai encunter tut dretg da tiarzas personas ni da forzas superiuras.

art. 25

Mesiras La grondezia dalla crusch-fossa ei decisiva per igl effect equilibrau d'in santeri.

Sco las pli grondas extensiuns ein fixadas:

partiziun A

altezia dalla crusch naven dalla rama 130-150 cm, ladezia dalla crusch 50-60 cm.

Il crap per la crusch sto esser denter 10-20 cm pli aults che la rama. La ladezia dil crap per la crusch astga esser denter 30-40 cm. Inscrizziuns sil crap ein buca lubidas.

L'altezia vegn miserada al revers.

La surfatscha mesira 140/60 cm inclus la rama.

Sin las fossas eis ei lubiu da postar plattas naturalas da crap ni gera che cuvieren la surfatscha dalla fossa per maximum 2/3.

Crappa pulida ei buca lubida.

art. 26

Inscrizziun L'inscripziun sto cuntener num, prenum, onn da naschientscha ed onn da mortori dil defunct. Tuttas inscripziuns han da succeder per romontsch.

art. 27

Urnas Urnas ein per regla da satrar el liug definius sco santeri per urnas (santeri part. B, fossa communabla.) Sin giavisch dalla parentella vegn lubiu da satrar urnas en ina fossa existenta (art. 15) ni en ina fossa dalla partziun A. En quei cass valan las prescripziuns da quella partziun.

Las urnas en la fossa communabla ein da tschentar en ina profunditad da 80 cm en retscha successiva. La grondezia dall'urna astga buca survargar la mesira da 20 cm diameter e 30 cm altezia.

La tabla per l'inscripziun vegn messa a disposiziun dalla vischnaunca. Atras tablas ein buca lubidas. L'inscripziun sto cuntener il num, prenum, onn da naschientscha e da mortori dil defunct. Tuttas inscripziuns han da succeder per romontsch.

Sin las fossas d'urnas astga ei vegnir plantau neginas fluras. Il terren avon il monument resta adina curclaus cun gera. La crusch da lenn sco era tschentar fluras ei lubiu maximum tochen treis meins suenter la sepultura.

Enteifer 3 meins suenter la sepultura sto l'inscripziun vegnir fatga.

IV. Determinaziuns finalas e penalas

art. 28

Cuntravenziuns a quei uorden vegnan punidas conform allas cumpetenzas dalla suprastonza communal.

Determinaziuns
penalas

Igl ei resalvau d'exequir l'ordinaziun sin donn e cuost dil culpont sco era da consignar quel al derschader penal.

La procedura sedrezza tenor las prescripziuns cantunalas dalla procedura penala avon las autoritads administrativas.

art. 29

Quei uorden remplazza quel dils 26 da schaner 1979. Cu el entra en vigur vegnan tuts ils conclus da vischnaunca ch'ei'n cuntradictoris a quei uorden abrogai.

Abrogar las
determinaziuns
cuntradictorias

art. 30

Quei uorden passa en vigur cun l'approbaziun dalla radunonza communal.

Vigur

Quella ordinaziun cumpara en romontsch e tudestg. En cass dispiteivels vala la versiun romontscha.

Acceptau dalla radunonza communal dils 10 da december 2010.

La presidenta communal

Il scarvon

Silvia Casutt-Derungs

Adrian Vincenz